

明崇川陳寶功著

吳江徐大椿鑒胎評

海甯許樹辛木訂
蔣光燾實叻校

傷寒發頤第四十七

傷寒發頤亦名汗毒此因原受風寒用藥發散未盡日久傳化為熱不散以致項之前後結腫疼痛初起身熱口渴者用柴胡葛根湯清熱解毒患上紅色熱甚者如意金黃散敷之初起身涼不渴者牛蒡甘桔湯散之患上微熱不紅疼痛者冲和膏和之腫深不退欲作膿者宜托裏消毒散已潰氣血虛弱食少者宜補中益氣湯以此治之未成者消已成者潰已潰者斂用之最穩

徐曰此段所用之藥俱切病此症宜辛涼疎散最忌大寒

柴胡葛根湯

柴胡葛根湯花粉石膏升麻併桔梗甘草連翹牛蒡子傷寒頤毒用之靈

治頤毒表散未盡身熱不解紅腫堅硬作痛者

柴胡

天花粉

乾葛

黃芩

桔梗

連翹

牛蒡子

石膏各一錢甘草五分

升麻三分

水二茶鍾煎八分不拘時服

徐曰此症主方惟石膏花粉為寒凝之品初起禁用

牛蒡甘桔湯

牛蒡甘桔湯赤芍花粉黃連蘇木陳加土川芎食鹽服傷寒頤毒即時平

治頤毒表邪已盡耳項結腫微熱不紅疼痛者

牛蒡子

桔梗

陳皮

天花粉

黃連

川芎

赤芍

甘草

蘇木各一錢

水二茶鍾煎八分食後服

徐曰即前方意

傷寒發頤應用方

如意金黃散

托裏消毒散

冲和膏俱見腫門

補中益氣湯

見腫門

癰發第四十八

痼發乃天時不正之氣所感而發非毒內作也此患多生於手足掌心或腰腿○下伸縮之處漫腫無頭憎寒發熱四肢沉重煩渴為甚以上六句徐逐句斷初起宜服萬靈丹發汗解表腫乃不消者必欲作膿托裏消毒散兼蠟

磬丸間服以後俱照潰瘍法治
徐曰此症人多不識各人自造一說用藥亦各人各樣雜藥亂投往往致死而人總不知也 又曰此等最難識乃濕熱之症即所謂無名腫毒也以消痰利濕為主

痼發應用方

萬靈丹

托裏消毒散

蠟磬丸

俱見腫毒門

療疽第四十九

療疽一名蛇瘡川廣烟瘴地面有之初出先作紅點次變黑色腐爛筋骨小者如粟如豆大者如梅如李發無定處初用蟾酥餅膏貼寒熱交作者黍米寸金丹或飛龍奪命丹亦可紅腫遊走不定者眞君妙貼散加雄黃敷之自然截住破後脾胃虛弱食少乾嘔者補中益氣湯加黃連麥冬補而不應腫高疼甚惟出清水穢汁者不治

徐曰此症江浙所無

療疽應用方

飛龍奪命丹

即蟾酥丸加金頭蜈蚣二條

黍米寸金丹

眞君妙貼散

見腫毒門

補中益氣湯

見腫毒門

小腹癰第五十

小腹癰乃七情火鬱以致脾虛氣滯而成其患小腹漫腫堅硬肉色不變有熱漸紅者屬易陽治無熱不紅者

屬陰難治初起七日以前用艾當腫頂灸七壯膏蓋首尾內服健脾胃養氣血行經補托之劑可保終吉如誤用剋伐攻利涼藥者敗症必出十全大補湯倍加參耆薑附以救之

此句徐勣批曰亦是聖藥不可

內腐深陷者玉紅膏長

肉收斂補托不應者雖愈終久成漏

小腹癰應用方

十全大補湯

玉紅膏

俱見關

徐曰以上有症無方者即于諸症之中擇其切病者用之可也

鸛口疽五十一

鸛曰疽乃三陰虧損督脈之經濁氣濕痰流結而成其患發在尾閭之穴高骨頭尖初起形似魚胞久則突如鸛嘴朝寒暮熱日輕夜重潰後稀膿出而無禁又或鮮血出而不停凡發此者壯年猶可老年可慮初起宜滋陰除濕湯和之已成未潰者和氣養榮湯托之潰而不斂者滋腎保元湯補之久而成漏者琥珀蠟礬丸兼先天大造丸服之甚妙

徐曰因各不同不僅三陰也

滋陰除濕湯

滋陰除濕湯知母 白芍芍歸熟地 骨皮貝母兼澤瀉 還有甘草與柴陳

治鸛口疽初起朝寒暮熱日輕夜重如癰等症

川芎

當歸

白芍

熟地各一錢柴胡

黃芩

陳皮

知母

貝母各八分

澤瀉

地骨皮

甘草各五分

水二茶鍾薑三片煎八分食前服

徐曰此通治之方不切此症 梔案熟地徐勒

和氣養榮湯

和氣養榮湯升麻 參耆熟地共陳皮 丹皮當歸併甘草 沈香一味用亦宜

治前症已成不得內消者宜此藥托之

人參

陳皮

白朮

黃耆

茯苓

丹皮

當歸

熟地各一錢

沈香

甘草各五分

水二茶鍾煎八分食前服

徐曰破後膿多可服

滋腎保元湯

滋腎保元湯杜仲 參耆朮附桂丹皮 藥耆黃肉併甘草 藥耆熟地總堪施

治前症元氣虛弱膿水淋漓久而不斂者

人參 黃耆 白朮 茯苓 歸身 杜仲 山萸肉 丹皮 熟地各二錢

附子 肉桂 甘草各五分 水二鍾薑三片棗二枚蓮肉七枚食前服

徐曰此方亦太豐

鸛口疽應用方

琥珀蠟鑾丸 見腫瘍門 先天大造丸 見腫瘍門

龍泉疽虎鬚毒五十二

此二毒乃任督二脈分合行布驟被外邪所搏而成龍泉疽發在人中之間虎鬚毒生於地角之上初起疙

次生腫痛漸發寒熱甚者惡心乾嘔腮項俱腫此穴忌灸 此句徐圖初起宜線針挑破患頂曰獨此症當挑 以蟾酥餅

放上膏蓋使毒有門而泄四邊掀腫用如意金黃散圍之內有表症者荆防敗毒散加芩連牛蒡子裏症內

疏黃連湯已成欲其作膿芎歸內托散膿成脹痛者針之 此七字徐圖批曰膿成乃可針 即愈潰膿後只宜膏藥換貼其口易

完此症多於元氣壯實者故多不必服藥自愈

徐曰此等症近于疔毒當以治疔之法治之

芎歸內托散 芎歸內托散陳皮 桔梗花粉生黃耆 茯苓甘草銀花等 虎毒龍泉服最宜

川芎 當歸 陳皮 茯苓 天花粉 桔梗 銀花

水二茶鍾煎八分食後服

徐曰此方亦平安

龍泉疽虎鬚毒應用方

如意金黃散 內疏黃連湯 見腫瘍門 荆防敗毒散 見腫瘍門

石榴疽五十三

石榴疽者乃少陽相火與外濕相搏而成其患生在肘臂之間此亦奇證紅堅硬腫如覆碗皮破泛出壘如榴子令人寒戰猶如重瘡初起即灸九壯此句徐國內服蟾酥丸發汗以解癰毒灸頂上蟾酥餅貼之膏蓋掀腫處金黃散敷之內服菊花清燥湯琥珀蟾馨丸煩躁熱甚者護心散金液戊土丹九日後患上作膿稠黃疼苦稍減表裏症退飲食微進者可保無虞反此為逆潰後元氣虛弱難症相兼者照癰疽調理法治之

徐曰此症初起易忽已成則無人能識此篇治法最良

菊花清燥湯菊花清燥湯生地知母芍歸地骨皮紫萸甘草升麻等犀角門冬白芍宜

甘菊二錢 川芎

當歸 知母

貝母 白芍

生地 麥門冬

地骨皮各二錢

升麻

犀角

甘草

柴胡

黃芩各五分

水二茶鍾

淡竹葉燈心各二十件煎八分食後服

徐曰此病主方

石榴疽應用方

蟾酥丸見疔瘡門

琥珀蟾馨丸

護心散

如意金黃散俱見腫瘍門

金液戊土丹見脫疽門

穿踝疽第五十四

穿踝疽乃足三陰濕熱下流停滯而成初起內踝腫痛疼徹骨髓舉動艱辛甚則串及外踝通腫有頭者屬陽易破無頭者屬陰雖潰此二者初起必寒熱交作宜荊防敗毒散加牛膝散之日久膿成脹痛者針之腐而不斂孔大者玉紅膏培之形體虛弱者補之此症若不早治久成廢疾徐曰治法總與諸症同擬用木瓜赤苓澤瀉獨活防己甘草黃柏蒼朮連翹牛膝威靈仙槐米赤芍川萸薔等藥為治

穿踝疽應用方

荆防敗毒散

見時

玉紅膏

見腫

大麻風第五十五

大麻風乃天地間異症也但感受不同有體虛之人因驟被陰陽暴曬露風雨之氣所侵感之不覺未經發泄凝滯肌膚積久必作有房慾後體虛爲風邪所襲或露臥當風睡眠濕地或洗浴乘涼希圖快意俱能致之其患初起麻木不仁次發紅斑久則破爛浮腫無膿其症最惡故曰皮死麻木不仁肉死刀割不痛血死破爛流水筋死指節脫落骨死鼻梁崩塌有此五症俱爲不治又曰心受之先損於目肝受之面發紫泡脾受之偏身如癱肺受之眉毛先脫腎受之足底先穿又爲五敗症也總皆風濕相乘氣血凝滯表裏不和臟腑痞塞陽火所變初起麻木不仁肌肉未死者宜萬靈丹洗浴發汗以散凝滯之風後服神應養真丹加白花蛇等分久服自愈年久肌破肉死者先用必勝散疎通臟腑次服萬靈丹每日酒化一丸通活血脈服至一月換服苦參丸輕者半年重者一載漸愈或兼服酒藥戒房事厚味動風等件可保不發

徐曰此症總屬不治遷延歲月則有之然患此者絕少若稍似風症並非眞風醫者竟以治風之惡藥牆治之反傷敗氣血變成風症此等最多不可不知 桐案王君士雄謂此證粵閩江右甚多內因淫火蘊毒熱極生風外因山嵐惡障毒風交互之邪愈理初癸已類稿與梅瘡同論得其旨矣徐氏以爲絕少但指江浙言也

萬靈丹

見腫

治大麻風初起麻木不仁或既久皮膚破裂手足拳攣肢體不便但未指脫足穿者

必勝散

必勝散中用大黃

白牽牛各一錢五分

治大麻風血熱秘結臟腑不通宜用此藥利之

大黃

借問將何調末服

生薑搗汁水和

白牽牛各一錢五分

右各爲細末年壯者作五服中年久虛者作七服用生薑四兩搗汁赤砂糖三錢加水一大杯三味和勻臨睡時腹中稍空頓溫通口服之即睡至三更偏身麻木如針刺頭目齒縫俱痛此藥尋病之功已達行出大小二便或青白黑黃又或紅蟲之類此乃病根也一月內服

藥三次沖服眉髮生肌膚如舊齒縫有血宜凍後藥

徐曰大麻風本無愈理如此峻劑徒傷人耳

漱藥方漱藥方中藥二般黃連實索各三錢水煎加入雪冰片齒縫何愁血似泉 實索黃連各三錢水二茶鍾煎至一杯加冰片少許每日陸續漱之其

血自止忌動風油膩之物

苦參丸苦參丸內藥多般品味難將一一刊新久麻風諸壞證勸君久服自能安 治大麻風毋分新久穿破潰爛老幼俱可服之

苦參一斤 大楓子肉六兩 荊芥十二兩 防風 白芷各六兩 全蝎 何首烏 白附子 枸杞子

威靈仙 當歸 大胡麻 川芎 蒺藜 大皂角 川牛膝 牛蒡子 獨活各二兩

蔓荊子 風藤 羌活 連翹 蒼朮 天麻 杜仲 草烏泡去皮尖 甘草各二兩

人參一兩 杏仁二兩 白花蛇二兩切片 右藥共為細末醋打老米糊為丸梧桐子大每服三四十九

溫酒食前後任下避風忌口為妙

徐曰此症主方其用藥總不外此然服之亦未必得效也僅能殺其大勢耳

麻風藥酒方麻風酒用留防朮 僞靈苦杞羌活 草麻子與白茅根 監甲虎骨併牛膝

防風 當歸 虎骨 秦艽 羌活 苦參 牛膝 僞靈 松節 鼈甲

蒼朮 枸杞子 白茅根各三兩 草麻子仁一兩 用好雪酒二十五斤將袋盛藥浸酒內封壇口煮香二

枝取起水內浸一伏時取服數杯自效

徐曰亦可備用

雄硫散雄硫散內風風皮 桃肉共和猪膽汁 眉毛脫落此堪醫 治大麻風毛鬚髮脫落作癢者宜此藥擦之

雄黃 硫黃 鳳凰皮即雞雞殼燒黃 在性各五錢 穿山甲十片 炒黃 滑石 一兩 右各為細末用半油核桃肉一兩

搗爛同公猪膽汁一個并前藥和勻用青紗包藥擦之日用三次其髮漸生如舊

徐曰未必有效

又擦麻風病面生紫塊疙瘡方

穿山甲

煨存性 研末

川椒

炒研末 各二錢

右用薑汁土大黃根汁調稠絹包擦之如藥乾加水調擦亦效忌動發物等件

翻花瘡第五十六

翻花者乃頭大而帶小小者如豆大者若齒無苦無疼搗損每流鮮血久亦虛人以津調冰蠟散徧搽止面上

用軟油紙包裹根蒂細處用線連紙扎緊十日後其患自落換珍珠散搽之收口又有根蒂如鼈頭棋子樣難扎以前藥搽上用麵糊綿紙封上二重用心勿動十日外亦落換珍珠散

徐曰此又一種最輕者如真翻花大如杯碗膿血淋漓無藥可治乳巖卽此類也 又曰楊梅毒亦有此症

翻花瘡應用方

冰蠟散

見蠟 見下 搗門珍珠散 搗門

腋癰第五十七

腋癰俗稱夾癰此肝脾二經爲患肝經血滯脾經氣凝共結爲腫初起皮色不變漫腫無頭日久方疼乃生寒

熱此患難消終必作膿未破者柴胡清肝湯已破者十全大補湯去肉桂加香附陳皮軟腫脹痛者針之膏

貼徐曰無膿 亦可不針此症首尾溫補忌用寒涼

腋癰應用方

柴胡清肝湯

見脫 痘門

十全大補湯

見脫 痘門

脅癰第五十八

脇癰多從鬱怒肝火而發肥胖內實者鮮此症初起宜梔子清肝湯柴胡清肝湯解鬱瀉火已成托裏消毒散

加青皮香附膿已成卽針之勿傷內膜此句 徐曰已破後八珍湯加丹皮山萸澤瀉兼滋腎水如虛勞所得破流

臭水敗腐稀膿補托不應者死

徐曰與腋癰同治

脇癰應用方

托裏消毒散 見腫瘍門

梔子清肝湯

柴胡清肝湯 俱見腫瘍門

八珍湯 見腫瘍門

鼻痔第五十九

鼻痔者由肺氣不清風濕鬱滯而成鼻內瘰肉結如榴子漸大下垂閉塞孔竅氣不宜通內服辛夷清肺飲外

以礞砂散逐日點之漸化為水乃愈兼節飲食斷厚味戒急暴省房慾庶不再發

徐曰此症服藥為輕外治為重如別有他恙乃宜服藥

辛夷清肺飲

辛夷清肺飲百合 梔子 麥冬 生石膏 甘草 升麻 及知母 枇杷葉用須去毛

治肺熱鼻內瘰肉初如榴子漸大下垂孔竅氣不宜通者

辛夷六分黃芩

山梔

麥門冬

百合

石膏

知母各一錢甘草五分枇杷葉 去毛

升麻三分

水二茶鍾煎八分食後服

徐曰此症主方辛夷辛溫宣散上焦風熱

礞砂散

礞砂散內用雄黃 冰片再加輕粉瓦 為末將來痔上點 鼻中瘰肉自然光

治鼻生瘰肉初如榴子漸大下垂名為鼻痔也

礞砂一錢輕粉三分冰片五釐雄黃三分

右共為末用草結咬毛齏藥勤點痔上日用五六次自然漸化為

水而愈

徐曰其方甚多此亦可用如萆薢苦丁鹽梅麝香瓜蒂藜蘆甘遂龍骨生砒俱可選用俱可點綿塞亦可

又曰降藥亦妙

取鼻痔秘法

先用茴香草散連吹二次次用細銅筋二根筋頭鑽一小孔用絲線穿孔內二筋相離五分許以二筋頭直

入鼻痔根上將筋線絞緊向下一拔其痔自然拔落置水中觀其大小用頭胎髮燒灰同象牙末等分吹鼻內其血自止戒口不發

徐曰此乃手法但痔形不一有根在鼻梁之內將鼻塞滿從何處拔取法不必學

回香草散

同香草散有奇功 加上真薑二味同 爲末共吹鼻痔上 取如拾芥一時通

回香草高良薑晒乾等分爲末用此先吹鼻痔上二三次時許方行

取法其痔自然易脫

骨槽風第六十

骨槽風初起生於耳前連及腮項痛隱筋骨久則漸漸漫腫寒熱如瘡牙關緊閉不能進食此得於鬱怒傷肝

致筋骨緊急思慮傷脾致肌肉腐爛膏梁厚味致膿多臭穢初則堅硬難消久則瘡口難合

此二句 徐國

初宜艾

炙腫頂及耳垂下五分

徐曰不 宜灸

各七壯膏貼以泄內毒餘腫用真君妙貼散敷之牙關內腫用線針刺去惡

血冰硼散搽之使內外毒氣得解宜服降火化痰清熱消腫之劑潰後當托裏藥中加麥冬五味外腐者搽

玉紅膏使水升火降脾健熱清乃愈又有外腐不合虛熱不退堅腫不消形焦體削則死

徐曰此症以清火消痰爲主 又曰此症又有初起並非骨槽瘡口老膿成骨者

清陽散火湯

清湯散火湯 石膏甘草牛蒡子

升麻白芷共防癰 白蒺藜與當歸身

治牙根盡處結腫連及耳項作痛名骨槽風也

升麻

白芷

黃芩

牛蒡子

連翹

石膏

防風

當歸

荊芥

白蒺藜各一錢甘草五分 水二茶鍾煎八分食後服

徐曰此亦通治方

中和湯

中和湯中參蒼朮 薑香白芍歸門冬 肉桂還同姜蜜入

治前症已經穿潰流膿臭穢疼痛不止者

人參

黃耆

白朮

白芷

川芎

當歸

甘草

桔梗

白芍各一錢

肉桂

麥冬

薑香各五分

水二茶鍾薑三片棗二枚臨服入酒一杯食後服

徐曰衆病通用方

骨槽風應用方

眞君妙貼散

玉紅膏

俱見匯齋門

棚散冰

見喉門

紫白癰風第六十一

紫白癰風乃一體二種紫因血滯白因氣滯總由熱體風濕所侵凝滯毛孔氣血不行所致皆從外來初起毛竅閉而體強者宜萬靈丹以汗散之次以胡麻丸常服外用蜜陀僧散二擦亦可得愈

胡麻丸

胡麻丸內用防風

靈仙石菖蒲獨活同

治初起皮膚作癢後發癰風漸至開大者

大胡麻四兩防風

威靈仙

石菖蒲

苦參各二兩白附子

獨活各一兩甘草五錢

右爲細末新安酒漿泛丸桐子大每服二錢形瘦者一錢五分食後臨臥白滾湯送下忌動風發物海腥煎炒雞鵝羊肉火酒等件愈後戒百日

徐曰此非內症服藥不能取效 梔案大胡麻白附子徐圈

雄雄四黃散

雌雄散用石硫黃 雌雄二黃要相當 檳附共研爲末擦 紫殿醋調白酸姜

治紫白癰風皮膚作癢日漸開大宜用此擦之

石黃

硫黃

雄黃

雌黃

白附子

川槿皮各等分

右爲細末紫殿醋調用堅槿木毛

頭蘸藥擦之白癰用薑切開蘸藥擦之擦後三日忌下湯水戒食雞鵝牛羊煎炒海腥火酒等物不復發

徐曰此方最切近他方總不外此 梔案石黃雄黃硫黃白附子川槿皮徐圈

肥皂方

皂角

甘松

山柰

白芷各二錢蜜陀僧

白附子

樟腦各二錢楮實子

紫豆粉 各三錢

右爲細末用去淨皮弦肥皂一斤搥勻洗擦患處日久自效

又擦藥方

雄黃

硃砂各等分
研細末

右用布帶蘸擦患處如白癰加蛇殼同擦

紫白癰風應用方

蜜陀僧散見汗
斑門

齒病第六十二

齒病有風有火亦有陽明濕熱俱能致之風痛者遇風發作浮腫隨後生痛以消風散治之火痛者則齒根必牽扯腮顙陣陣作痛時發時止以冰硼散擦之出涎自愈陽明經濕熱作痛者腮顙浮腫甚者牽引太陽疼連頰項口中氣熱大便秘結燥宜涼膈散加石膏治之腫高而軟者內必有膿用針刺破出膿自愈齒齲腐爛出血不止者內服犀角地黃湯外搽人中白散又小兒齲齒疳牙根尖穿出齒根內外芒刺嘴唇作痛用披針挑破牙齲以手取去本牙出血不止以濕紙換貼一三次其血止必兼戒厚味其牙復生如舊

涼膈散涼膈散中用石膏
黃芩甘草淡竹葉

山梔山梔薄荷共連翹
大黃還魂散同杵

治陽明經濕熱上攻致牙根腮項作腫多痛者

薄荷各一錢甘草五分大黃一錢朴硝一錢半石膏一錢半淡竹葉三十片

右水二茶鍾煎八分入蜜二匙和勻食遠服

徐曰此牙痛主方惟大黃當酌用

清中散清中散用牡丹皮
升麻還與山梔子

生地黃連甘草歸

治胃經積熱牙齒或牙齲腫痛或牽引頭腦作痛或面熱耳紅並皆治之

當歸

黃連

生地

山梔各一錢丹皮六分升麻八分甘草五分

右水二茶鍾煎八分食遠服

華撥散華撥散用真阿膠
牙蟲風濕並甚擦

麝香冰片同研細

治風濕蟲牙作腫疼痛如陽明內熱發疼勿用

華撥

真阿魏各二錢冰片

麝香各一分

右為細末每用半豆許擦放牙根痛縫中吐去熱涎溫湯

漱之再擦即愈內有阿魏恐防作吐 梔案真阿魏徐圈此品最難得真者諸書皆言極臭此亦言恐防作吐蓋皆為肆中以胡蒜白偽造者所眩未見真品故也余有友人貽以塔爾巴哈臺阿魏精其色黑中帶黃

並不甚臭祇之氣味極清不作惡心乃知眞品固自不同江浙去西番萬里而肆中所售阿魏乃甚賤其偽可知極臭傷胃有損無益勿用可也

又牙疼方 牙痛方中君薑椒蟾酥川椒共爲末

蟾酥二分川椒五分飛鹽三分

徐曰方太熱烈

右共爲末用草稍咬毛蘸藥搽點痛牙根上

犀角地黃湯 犀角地黃湯芍藥更兼一味牡丹皮

犀角 陽明積熱皆堪服不獨牙銀血可醫

治陽明積熱牙齦腐爛出血不止及諸吐血衄血嘔血

者更宜服之又牙縫中無辜出血者亦妙

徐曰通治方

止血四生湯 止血四生湯荷葉生艾生地生側柏

生荷葉 生艾 生柏葉

生地黃各三錢水二鍾煎一鍾食後服臨時入童便一杯更妙

徐曰此治一應血熱妄行之要方

齒病應用方

人中白散 見口瘡門 消風散 見瘡門

腦漏第六十三

腦漏者又名鼻淵總由風寒凝入腦戶與太陽濕熱交蒸而成其患鼻流濁涕或流黃水點點滴滴長濕無乾

久則頭眩虛暈不已治以蠶香湯主之天麻餅子調之亦可漸愈如日久虛眩不已須補中益氣湯六味地

黃丸 此二方徐勣批曰不切 相間服之以滋化源始愈 梟案王君上雄謂風火外侵膽熱上移胃濁上薰皆成鼻淵若

腦漏乃本元不固所流腥水黏而不稠煩勞即發治宜補攝與鼻淵同流異派須分別言之

奇授靈香湯

古有奇授靈香湯 專治鼻淵濁涕長 連枝帶葉水煎服 和入公豬膽汁良

治鼻淵黃水濁涕長流致腦戶虛眩不已用靈香連枝帶葉者五

錢水一椀煎七分

公豬膽汁一枚和勻

食後通口服之至重者不過三服如此藥苦甚不堪服用靈香末

一兩公豬膽汁熬稠膏為丸每服二錢食後白滾湯送下亦效

徐曰此方甚穩但服者多無效

腦漏應用方

補中益氣湯

六味地黃丸

俱見瘡 瀉門

天麻餅子

見頭 瘡門

破傷風第六十四

破傷風因皮肉損破復被外風襲入經絡

此句 徐圖

漸傳入裏其患寒熱交作口噤咬牙角弓反張口吐涎沫入陰

則身涼自汗傷處反平陷如故其毒內收矣當用萬靈丹發汗令風邪反出次以玉真散貼之得膿為效如

汗後前症不退傷處不高漸醒漸昏時發時止口噤不開語聲不出者終為死候

徐曰此症總以驅風為主

玉真散

玉真散內用南星 添上防風用已靈 況有芷麻羌白附 破傷風藥此為精

治破傷風關緊急角弓反張甚則咬牙縮舌

南星

防風

白芷

天麻

羌活

白附子

各等分

右為末

三字 徐圖

每服二錢熱酒一鍾調

服此句徐

密點

更敷傷處若牙關緊急腰背反張者每服三錢用熱童便調服雖內有瘀血亦愈至於昏死心腹

尚溫者連進二服亦可保全若治風犬咬傷更用漱口水洗淨擦傷處亦效

徐曰此專治風入肌膚之藥以此方為主更隨症加減尤妙其得靈處在為末藥

相案南星等六味徐俱

隨 又案王君士雄云古方玉真散止南星防風二味等分此方一名止血補傷丹以白附子為君宜用十

二兩餘五味各一兩俱生晒勿犯火研細末專治破傷風破傷濕癰犬咬及跌打墜壓刀箭諸傷雖腎子壓

出者亦可救但以藥傳傷處立能止血定痛重者溫酒調服一二錢青腫不破者水調傳之即效并不忌風

故爲金刃跌打最妙之方製備濟人如遇關礙傷者一藥可全兩命且其價極廉已製送多年無不見效小兒跌磕傳之尤便家家宜備也

舊藥丹 見腫 治破傷風牙關急角弓張時昏時止

鎮風散 鎮風散用焙膠 杭粉砂礬末調 每服二錢和熱酒 破傷風症可追遠 治破傷風諸藥不效者在危急者用之必應

蠟膠 切段 煨黃 皂礬 各一兩 硃砂 三錢 微焙 杭粉 煨黃 另研 右爲細末每服二錢無灰熱酒調服如一切猪羊等風發時昏

倒不醒人事者每服三錢二服卽愈不發外灸傷處七壯知疼痛者乃爲吉兆

徐曰此方甚別 又曰此方之義不解

跌撲第六十五

跌撲者有已破未破之分亡血瘀血之別且如從高墜墮而未經損破皮肉者必有瘀血流注臟腑人必昏沈

不醒二便必難當以大成湯通利二便其人自甦不醒者獨參湯救之 此句徐注批曰 尋常墜墮輕者以復元

活血湯之又如損傷骨節筋斷血流不止者獨勝散止之次用花蕊石散搽之又有跌斷骨節等症另有專

門接骨扎縛此未及詳

大成湯 大成湯用朴硝黃 蘇木當歸甘草 陳皮厚朴紅花等 水通枳殼共煎 治跌撲傷損或從高墜下以致瘀血流入臟腑昏沈不醒大小便秘及

受杖後瘀血內攻肚腹膨脹結胸不食惡心乾嘔大便秘結者

陳皮 當歸 蘇木 木通 紅花 厚朴 甘草各一錢枳殼二錢大黃三錢朴硝二錢

右水一碗煎八分不拘時服服後一時不行渣再煎臨臥服加白蜜三匙亦妙

徐曰此下瘀血不結者不必服 相案蘇木徐圈

調中二陳湯 調中二陳湯防風 蘇木歸身烏藥 紫蘇青皮蒼朮 檳榔木香紅花同 治前症已服行藥之後當進此藥二三服調之

陳皮 半夏 茯苓 甘草 紅花 川芎 當歸 白芍各八分防風 檳榔

黃蓍 桔梗 青皮 烏藥 蘇木 枳實 黃芩 紫蘇各六分本香三分

水二茶鍾薑三片棗二枚煎八分不拘時服

徐曰方難不可學此等方皆出于前明不知醫理強作解事如薛立齋一輩人遂使古聖製方之法從此大變可爲長嘆

獨參湯 獨參一啖宜救急 跌撲金瘡血大出 昏沈不醒人事者 湯之入腹雖可必 治跌撲損傷或金瘡出血過多昏沈不醒者人參一兩切片水二碗煎

一半不拘時通口服之渣再煎服其人自甦再用渣加川米一合煎湯溫服

徐曰如出太多一時發暈或可暫救頃刻非此不得輕用也

花蕊石散 花蕊石散辟瘴香 乳沒辛蘇烏朴當 羌龍白芷蛇含石 木降香南星粉霜 治跌撲傷損及金瘡刀箭兵刃所傷斷筋損骨疼痛不止新肉不生者

乳香 沒藥 羌活 紫蘇 細辛 草烏 蛇含石 便煙 三次 厚朴 白芷 降香

當歸 蘇木 檀香 龍骨 南星 輕粉各二錢 麝香三分 花蕊石 童便煨七 次五錢 右共研極細

罐收聽用葱湯洗淨用此糝之軟綿紙蓋托一日一換神效此藥一時未備可用多骨疽門生肌散代之亦可取效危急也

徐曰此係糝藥內中多不入糝藥之品其方甚無法度另有好方此等不足取也只消滅去幾味遂成方矣

相案蛇含石蘇木花蕊石徐圖

玉紅膏 見腫 露門 治跌撲損傷或金瘡斷損筋骨已經血止疼痛作膿宜葱湯洗淨用此膏日搽傷處黑膏蓋之

金瘡第六十六

金瘡乃刀刃所傷或有磁鋒割損淺者皮破血流而已深者筋斷血飛不住皮破者桃花散糝之其血自止筋斷者如聖金刀散糝扎止而又流者急用玉紅膏塗傷處膏蓋骨肉方斷斯人面色必黃外避風寒內忌冷物終保無妨有失血過多者獨參湯八珍湯補助爲要此外無法矣

如聖金刀散

如聖金刀散二藥 松香細末更須參 刀傷破損肌流血 藥上應知效不凡

治刀刃所傷皮破筋斷飛血不止者用松香淨末七兩枯礬生礬

各一兩五錢共為極細末罐密收摻傷處紙蓋絹扎止後三四日必掀痛作膿換摻生肌散三日三次其疼即止以後日有葱湯洗之換搽玉紅膏長肉生肌避風為要

桃花散

桃花散可治金瘡 只用石灰與大黃 止血消瘀肌肉長 切忌房事戒無妨

治金瘡出血不止用石灰半升大黃一兩五錢切片同炒石灰變紅色

為度去大黃篩細摻之紙蓋絹扎止血後用葱湯洗淨換搽玉紅膏長肌收斂兼戒口味房事為要

金瘡應用方

獨參湯

百跌 撲門

八珍湯 見瀉 撲門

杖瘡第六十七

杖瘡乃良肉受傷有已破未破之分已破肌肉者以清涼枯痛膏敷之疼痛即消未破瘀血內攻者用針放出

內蓄瘀血

此句 徐圖

再以大成湯下之便通自愈如傷處瘀腐已作疼痛者玉紅膏搽之自然腐化生新而愈至於辱刑重刑難受之時宜預服鐵布衫丸方得保身全命也

鐵布衫丸 鐵布衫丸歸乳沒 蘇木地龍兼木鱉 無名異與自然銅 救盡人間刑杖厄

保命

鐵布衫丸歸乳沒 蘇木地龍兼木鱉 無名異與自然銅 救盡人間刑杖厄

治情不由己事出不虞受害一身刑難免當預服之受刑不痛亦且

保命

自然銅

煨紅醋 酒洗 無名異 浮土 乳香 浸七次 當歸 搗膏

木鱉子

香油搽發上唇灰用 肉徐曰此是土木鱉

沒藥

地龍

去頭 曬乾

蘇木

右八味

各等分為細末煉蜜丸如雞頭實大每服三丸預用白湯下縱非刑辱拷可保無虞

徐曰定痛之藥不外此方更加山羊血

減半

楠蛇膽

少許 蜜化 犀黃 減半

冰片

少許

古錢

醋煨 七次

硃砂

為衣尤妙

梔案

自然銅木鱉子沒藥地龍蘇木徐圖

散瘀拈痛膏

散瘀拈痛金黃散 加上三錢樟腦配 石灰清水對 通共調敷將紙蓋

治杖後皮肉損破紅紫青斑掀腫疼痛重墜者用腫瘍門如意金

黃散一兩加樟冰三錢碾勻以白石灰一升用水二碗和勻候一時許將灰上面清水傾入碗內加麻油對分